



FRAKTIOUN

Ministère de l'Agriculture, de la Viticulture et du Développement rural.	8
Référence: 507121	
24 AOUT 2021	
A traiter par:	
Copie à:	

Här Fernand Etgen
President vun der Chamber

Lëtzebuerg, den 23. August 2021

Här President,

Esou ewéi den Artikel 83 vum Chambersreglement et virgesäit, bieden ech lech, dës parlamentaresch Fro zum Ernierungsrot und d'Madamm Ministesch fir Ëmwelt, Klima an nohaltig Entwécklung, an un de Minister fir Landwirtschaft weider ze leeden.

D'Klima- an d'Biodiversitéitskriis sinn enk verbonne mat onser Ernierungsweis. Dozou nennen ech just 2 Fakten: Éischtens steet am nach net offiziell verëffentlechten drëtten Deel vum Rapport vum Weltklimarot (IPCC) Folgendes: „Eine Umstellung auf eine Ernährung mit einem höheren Anteil an pflanzlichem Eiweiß in Regionen mit übermäßigem Verbrauch von Kalorien und tierischen Lebensmitteln kann zu einer erheblichen Verringerung der Emissionen führen und gleichzeitig gesundheitliche Vorteile bieten.“ Weider heescht et, dass eng planzlech Ernierung d'Emissiounen em bis zu 50 Prozent par Rapport zu enger duerchschnëttlecher emissionsintensiver westlecher Ernierungsweis reduzéiert.


Zweetens ass et wëssenschaftlech bewisen, dass de Fleeschkonsum en enorme Ressourcéverbrauch mat sech bréngt. Sou weist eng Studie aus der Fachzäitschrëft Science (vum Joseph Poore an Thomas Nemecek, 2018) op, dass Fleesch- a Mëllechproduiten nëmmen 18 Prozent vun de Kalorien ausmaachen, di en Mënsch zou sech hëllt. Dofir ginn awer 83% Prozent vun der landwirtschaftlech genotzter Fläch benéidegt. Dat heescht an anere Wieder dass eng planzlech Ernierungsweis dës landwirtschaftlech genotzte Flächen em 75 Prozent reduzéiere kéint.

Sou kéint een duerch eng aner Ernierungsweis der Klima- an der Biodiversitéitskriis entgéint wierken. An dëser Hisiicht kéint dem Ernierungsrot eng wichteg Roll zoukommen. D'Regierung wëll en nationalen Ernierungsrot op d'Been stellen, deen ënnert anerem zu esou Froe wéi der Ernierungsweis oder der Ernierungssouveränitéit d'Regierung beroden an all di concernéierten Acteuren um Prozess bedeelege soll. Wéi een dem Artikel aus dem WOXX „Ernährungssouveränität: Zweckentfremdeter Rat“ enthuele kann, ginn et diesbezüglech awer eng Rei Onstëmmegkeeten.

An dësem Kontext géif ech gäre folgend Froen un d'Regierung stellen:

- Hält d'Regierung nach ëmmer um Schafe vun engem nationalen Ernierungsrot fest?
- Wéi ass d'Positioun vun den zwee Ministeren zu der am WOXX-Artikel geäusserter Kritik vum Centre for Ecological Learning Luxembourg (Cell)?
- Kënnen d'Ministere schonn op d'Ziler an d'Zesummesetzung vum Ernierungsrot kuerz agoen?
- Wäerte Froen em ons Ernierungsweis am Kontext vun der aktueller Klima- an der Biodiversitéitskriis hei eng besonnesch Opmierksamkeet zougestane kréien?

Här President ech bieden Iech mäin déifste Respekt unzehuelen.

A handwritten signature in black ink, appearing to read 'Paul Galles', with a stylized flourish at the end.

Paul Galles
Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture,
de la Viticulture et du
Développement rural

Dossier suivi par : M. André LOOS
Tél : 247-82530

Réf.: 567/21

Monsieur Marc HANSEN
Ministre aux Relations avec le
Parlement

Service Central de Législation

LUXEMBOURG

Luxembourg, le 22 septembre 2021

Objet: Question parlementaire n°4889 de l'honorable Député Monsieur Paul Galles

Monsieur le Ministre,

J'ai l'honneur de vous faire parvenir, en annexe, la réponse commune de Monsieur le Ministre de l'Agriculture, de la Viticulture et du Développement rural, de Madame la Ministre de l'Environnement, du Climat et du Développement durable et de Madame la Ministre de la Protection des consommateurs à la question parlementaire citée sous rubrique.

Veuillez agréer, Monsieur le Ministre, l'assurance de ma considération très distinguée.

Le Ministre de l'Agriculture,
de la Viticulture
et du Développement rural,


Romain SCHNEIDER

Gemeinsam Äntwert vum Minister fir Landwirtschaft, Wäibau a ländlech Entwécklung, vun der Ministesch fir Ëmwelt, Klima an nohalteg Entwécklung a vun der Ministesch fir Konsumenteschutz op parlamentaresch Fro n°4889 vum éierewäerten Deputéierten Paul Galles iwwer den Ernährungsrot

- **Hält d'Regierung nach ëmmer um Schafe vun engem nationalen Ernierungsrot fest?**
D'Regierung hält weiderhin un der Schafung vun engem nationalen Ernährungsrot fest. Dozou gouf den 1ten September ee Projet de loi (*) vum Regierungsrat ugeholl. Hei ass ënner anerem d'Schafe vun engem nationalen Ernährungsrot virgesinn (* genauen Intitulé: Projet de loi relative à la mise en place et la coordination de la politique alimentaire).
 - **Wéi ass d'Positioun vun den zwee Ministeren zu der am WOXX-Artikel geäusserter Kritik vum Centre for Ecological Learning Luxembourg (Cell)?**
Déi deposéiert Versioun vum Projet de loi viséiert ausdrécklich ee demokrateschen Prozess wat d'Politique alimentaire ubelaangt.
 - **Kënnen d'Ministere schonn op d'Ziler an d'Zesummesetzung vum Ernierungsrot kuerz agoen?**
De Projet de loi ass den 22. September an deenen respektiven Chamberkommissiounen virgestallt ginn an uschléissend och der Press. De Projet de loi reduzéiert sech allerdéngs net op den Ernährungsrot.
 - **Wäerte Froen em ons Ernierungsweis am Kontext vun der aktueller Klima- an der Biodiversitéitskriis hei eng besonnesch Opmierksamkeet zougestane kréien?**
Et ass virgesinn fir eng Strategie alimentaire op nationalem Plang op Basis vun engem participativen Prozess auszeschaffen an do wäert et natierlech esou sinn, dass sämtlech Nohaltegkeetsaspekter ënnert d'Lupp geholl ginn – dozou gehéiert sécherlech primär och de Klimawandel an de Schutz vun der Biodiversitéit.
-